

ФАРОГАТ КАМОЛ

ҲОЛАТЛАР КИТОБИ

Шеърлар

ТОШКЕНТ

Ғафур Ғулом номидаги Адабиёт ва санъат нашриёти
1998

Руҳни вужуддан ажратиб олиш шунчалар қийинки, вужудинг бирор шикаст еса, руҳинг эзилади. Руҳинг қақшаса вужудга ҳам омонлик йўқ. Жон шўрлик ўртада сарсон! Ана шу учлик ўртасида саргардон кимса — шоирдир!

Шоир — кўнгил одами. У мисоли дараҳт. Бирор мевасини еса, бирор соясидан баҳра олади.

Фарогатнинг шеърий сўзлари юрагингга қўйилар экан, уни кутиб олишинг учун ердаги икир-чикирлар ичра эмас, чексиз осмон керак бўлади сенга...

* * *

Мен ҳам ўтдим баҳор ўтган йўллардан,
Шабнам ичган топглар ўпди кўнглимни,
Балки кўп нарсани унутдим бу дам,
Ватан, унутмадим бирор йўлингни.

Бир-бировни излаб чиққан йўлчилик,
Йўлга чиққан эдик Баҳт-ла иккимиз,
Балки ўтиб келдик ёнма-ён йўлдан,
Ватан, яшолмасман бирор кун сенсиз.

Денгизда дур йиққан чиганоқ янглиғ,
Сенинг меҳринг билан юрагим тўлди.
Қуёш кетиб, қора кўринса борлик,
Ватан, ёруғлигим бўлиб туюлдинг.

Балки улгурмадим дўстларга ёқиб,
Қўлим ҳам бормади яна кўп ишга.
Кечикдим, эҳтимол, тириклиқ учун,
Ватан, кечикмадим сени севишга.

Мангулик осмони қораймас сира,
Онам, сўнг отамнинг руҳин учирдим,
Ватан, сенинг каби азиз хотира,
Боғларингда азиз излардан юрдим.

Мен ҳам ўтдим баҳор ўтган йўллардан,
Шабнам ичган тонглар ўпди кўнглимни.

Балки кўп нарсани унутдим бу дам,
Ватан, унутмадим бирор йўлингни.

ИЛТИЖО

Уммонингда бўлдим, бир томчи эдим,
Ёмғирингда бўлдим, тонгда оқ шабнам.
Шаффоф нурларингдан олмоқчи эдим,
Ҳаёт, қизғанмагин ёруғларингдан.

Тупроғигда бўлдим, тошингда бўлдим,
Қорангда суйкалиб, лошингда бўлдим.
Ўксиндим, қийналдим, қошингда бўлдим,
Минглаб кунларингдан мен ҳам бир кунман.

Кўзимни тикканман зангорларингга,
Юпқа япроқ бўлай баҳорларингга.
Ҳовучим тўлдирсам гарк бўлиб ўзим,
Етказиб боргумдир чинорларингга.

* * *

Тун яrim. Кўкда ой сирғалиб кетди,
Нафасимга юлдуз нафаси етди.

Дараҳтлар йўқотиб қўйди соясин,
Дилимга ул умид сояси етди.

Ғунча ҳовучини очиб юборди,
Гулшакл хуш бўйлар сочиб юборди.

Секин шивирладим, сўзлар изладим,
Ҳаёл соҳибиға етди сўзларим.

ҲОЛАТЛАР

2. УЧРАШУВ

Қайрилиб сен кетдинг. На «салом», на «хайр»,
Сен кетдинг, ҳеч сўзга эҳтнёжинг йўқ.
Бир туман эдим мен, тарқай олмаган.
Бир туйғу эдим мен, кўзлари юмуқ...

Кетган томонингга қайрилди само,
Тўсатдан чайқалиб кетди бир дараҳт,

Исмингни сўрмадим, билмадим аммо
Қайси ой, қайси кун, на-да қайси вақт.

Титроқ нигоҳинпш илғадим фақат
Ва билдим, Эгамдан бу ҳам — иноят.
Бир лаҳза қалбимни ёритди шу баҳт —
Нигоҳингдан тушган титроқ бир соя...

2. ТАЪҚИБ

Елкамда қўлларинг юк бўлиб қолди,
Мудом таъқиб этар хира бир хаёл:
Гўё дардларини ташлаб бўйнимга
Ортимдан қолмайди сен севган аёл.

На қувонч изҳори, на дард сурати,
Кўнглимга ҳеч туйғу ташламас соя.
Билмайман, дилимнинг қайси ҳолати
Сенинг қиёғанғдан излар химоя.

3. КУЗАТИШ

Сенинг елкаларинг кичрайиб борар.
Узоқлаб кетяпсан. Қаерга? Нечун?
Кўнглингда дам олар тинган тўлқинлар,
Лабларинг шивирлар, «ўтиб кетди кун».

Сени ўз ёдидан кузатиб қўйған
Ким эди, кўзлари бу қадар маъюс?
Қайрилиб қарайсан. Бўм-бўш соҳилда
Шамол кезиб юрар. Яқин эди куз.

* * *

Соҳир кўзингизда ғайр хаёли,
Рашк ила тўлғониб қон бўлди гуллар
Телбаланиб ўтди гулшан шамоли,
Бағри сўзон бўлди, боши нигунлар,
Пайқамадингиз.

Кўкнинг равоқидан тўкилди саслар,
Сизни ойдин нурлар жим ёрлақади.
Туннинг қароғидай қаро нарғислар
Бошингизга тўккан нурни алқади.

Алқамадингиз.
Дарди бегоналар бегона бўлди,

Кўзнинг кўзгусида розлар балқиди.
Умид дилимизга афсона бўлди,
«Ёр» дедик, сахрою замин қалқилди.
Қалқимадингиз.

Соҳир кўзингизда ғайр хаёли,
Ҳажрингиз мотами жонларга етди.
Сизни севгандарнинг бевақт заволи
То сахар, бу даҳр гулшанин тутди.
«Ер» демадингиз...

* * *

Туннинг қучоғидан гул хиди келар,
Хидлаб уйгонаман ёстиқларимни.
Тушларимда қолган куйни соғиниб,
Юлдузлар бағримга тўкар нурини,

Маъюс ойдинликдан энтикар девор,
Шаффофф деразада ҳаяжон изи.
Биламан, ўнгда ҳам тушларим такрор,
Юракда ишқ кечган кунларнинг иси.

* * *

Сиздан парво эмас, сўрадик ғавғо,
Илинжли дунёда баъзан аҳд раво.
Ағёр таънасидан ўксик кўнглимиз
Ва лекин васл эмас энди муддао.

Энди парилардан Сизга эътибор,
Аламларни кечсак, бизда ихтиёр
Ва лекин паришон ҳолимиз сўрманг,
Бахригирдоб аро баҳри тғам бисёр.

Не ажаб йўлингиз тушса, гашт сари,
Боғ сари, тоғ сари, балки дашт сари,
Бизга нима ташвиш, қайрилмасангиз,
Кўнглингиз шаштидан айрилмасангиз

Биз Сизни шунчаки...
Эски бу дафтар,
Умримиз қайгадир этмоқда сафар.
Фақат дилга етган жиндай озрр бор,
Бевафо умрдай бевафо ёр бор.

Сиздан парво эмас, сўрадик ғавғо,

Илинжли дунёда баъзан аҳд раво.
Ағёр таънасидан ўксик кўнглими,
Ва лекин васл эмас энди муддао.

* * *

Мен биламан, Хотирага ишониб бўлмас,
Унда яшар гарчи менга ўхшаган бека,
Бироқ баъзан тушунмайман унинг феълига —
Мендан пинҳон ўзгартирас кечмишим кам-кам,

Билинтирмай алдар ўтган йилларимни ҳам,
Кеча олар ноҳуш кечган воқеалардан.
Мен сезаман, Мени жуда аяр негадир,
Қутқарди дилни оғир хотиралардан.

У ҳақ! Балки шундай битар номуносиб дўст
Дилга берган жароҳати, оғир дарслари,
Балки шундай сингиб кетар олис-олисда
Юрагингни босиб ўтган қадам саслари.

* * *

Ёмғир ёғар эди, дараҳтлар юпун.
Дийдираб турибди жумлаи олам.
Мен ўз юрагимни кўрмоқча эдим,
Куршаб ётган экан ёмғирдай туман.

Нима илинж эди ахнр дунёга
Сочларимни ювиб оққан ёмғирдан:
Чечаклар илтижо этди самога,
Майсалар шошилиб келдилар қирдан.

Нима илинж эди. Сени эсладим.
Ёлғизсан бир хаёл тумани аро.
«Ёмғирдай яшайлик», шивирлайсан жим,
Томчилар шовуллаб этарлар такрор.

Ёмғирдай яшайлик. Қийнар овозинг,
Рухга гарчи жонбахш нафасинг тегар,
Ёлғизлик аламин тортади дилим,
Уни эслагунча яратган Эгам...

Бугун бофингизда ўрик гуллади,
Ўтлар орасида кулди мойчечак.
Уйингиз бурканди таниш бўйларга,

Бугун бөғингизда Баҳор — келинчак.

Кимдир чертиб ўтди деразангизни,
Билолмай қолдингиз унинг кимлигин.
Турналар соғинди овозингизни,
Улар Сизни йўқлаб қайтдилар бугун.

Ариқлар қайгадир из солиб кетди,
Лаб буриб уйғонди ялпизлар тонгда,
Мен-ку ким бўлибман, мени унутди,
Лолалар очилди Сизнинг томонда.

Бугун бөғингизда ўрик гуллади,
Новдада япроқлар жилмаймиш хиёл,
Мен ҳам Баҳор янглиғ қутлайнин десам
Хавфим бор: овозим бормас эҳтимол...

* * *

Ёмғир, ёмғир, кўклам ёмғири,
Ёғиб кўнглим тубларига оқ.
Сени жуда соғиндп кўнгил,
Хидларнни сочсин қалдироқ.

Севишганлар тилаклари бир:
Куртакларнинг гуллаши лозим.
Дунё жуда баҳтга яқиндир,
Эшиттиргин унинг овозин.

Булутларнинг кўчиб бағридан,
Ҳаёт берсанг тошқин сойларга,
Қизғалдоқлар улашар замин
Юрагимга яқин жойларга.

Лаҳза янглиғ қисқа умридан
Айтсин улар мастилигин шул дам.
Ёмғир, ёмғир, эслатиб ўтгин
Ҳеч нарсанинг қайтмаслигин ҳам

* * *

Дарахтларга насиб севилмоқ баҳти,
Эҳтиросли ёрдай нотинч осмон.
Соғинч туйгусини туйган дунёда
Шамол ҳам нечундир кезади гирён.

«Сизми қўргим келди. Соғиндим Сизни».
Аланглайман, қайдан бу сирли товуш?
Ҳеч ким йўқ ёнимда. Йиғлагим келар.
Шоҳдан шоҳга кўчиб сайрайди бир қуш,

Ажиб муждаларни кутарман мен ҳам,
Сокин кунларимнинг бузилган тинчи.
Рұҳимда шовуллар зангор бу олам,
Кўклам туйғулари, кўклам соғинчи.

* * *

Дилоромга

Ўхшатмадим Сизга ҳеч кимни,
Бир оз яна ўксиндим чоғи,
Дилда қолиб кетган туйғунинг
Қийин экан энди ўчмоғи.

Жим-жит тунда йиғласа кимдир,
Йиғлаб-йиғлаб овунса ҳам сўнг,
Қолиб кетар туннинг бағрида
Ўша овоз қолдирган бир мунг.

У йиғлаган гарчи мен эмас,
Йиғлаб Сизга айтмаганман роз,
Юрагимнинг ичидан келар
Лекин ўша тундаги овоз.

Ўзим билмай маъюс тортаман
Юлдузлар жим чақнаган чоғи.
Дилда қолиб кетган туйғунинг
Қийин экан энди ўчмоғи...

* * *

Бугун маъюс қиёфандага паришон бир хаёл кўрдим,
Юзинг маъюс этарда ул ойина хастаҳол, кўрдим.
Кўнгил бир тус, самоларда қолиб кетган ҳилол кўрдим,
Ўшал олис ҳилол янглиғ кўзингда мен савол кўрдим.
Юзинг маъюс этарда ул ойина хастаҳол кўрдим.

Сен айтдинг: боқ, нигорим, ишқ дилимизни ғарид зиди,
Фано берган қаю сабоқ қаю жонни рақиб этди,
Қара, барча яшил япроқ кетарда сарғарид битди,
Кетарда сарғарайлик, доғ, гар ишқданки, зариф этди,

Фано берган қаю сабоқ қаю жонни рақиб этди.

Сен айтдинг: йўл давоми йўқ, кетайликми туманларга,
Фариб дилни этиб восил очилган оқ суманларга,
Кетар бўлсак, кўнгил дохил самовий анжуманларга,
Гулу чечак қолиб ғофил, бу ишқ етсин чаманларга,
Фариб дилни этиб восил очилган оқ суманларга...

* * *

Яна шундай бўлар, ҳар сафар шундай,
Мен кутган рангларда келаверар куз.
Боғлар қисматига қанча куюнмай,
Баргрезон фаслини севаман ҳануз.

Мангулик олдида юраги очиқ,
Сокин кенгликлардай озод ва бегам,
Ҳеч кимга боғланмай яшайди бир ишқ,
Тўкилиб яшайди хазонлар билан

Ва мафтун этади менинг кўнглимни,
Дунёни унутиб рухим сархуш, жим.
Тингларкан ҳар сафар кетмоқ куйини,
Сўнгги япроқ каби титрар юрагим...

* * *

То тонггача ёғиб чиқди қор,
Симёғочда ўчмади чироқ.
Тонгда эса таниш йўллардан
Бир фаслга кетгандим йироқ.

Ўзга эди осмоннинг рўйи,
Мағрурмиди, балки баландроқ.
Қайтмоқ бўлдим мен ҳам кун бўйи,
Лозим йўлни топмадим бироқ.

Табиатга тушган айрилиқ
Кўчди менинг юрагимга жим.
Мени тамом унутди борлиқ
Ё борлиқقا айландим ўзим,

Ховучимга тўлиб қолди қор,
Рұҳимга ҳам тўлди сукунат.
Юрагимда ёлғиз умид бор:
Айтолмадим ҳеч кимга фақат.

* * *

Ўзгаришлар кечди жим,
Ой тўлди, сувлар оқди.
Дунё — қари мунажжим,
Фол кўрди, кўкка боқди.

Бир даста қизил гулга
Ошиқ бўлди булбуллар,
Фам тўлқини қуийилган
Денгиздай тинч кўнгиллар

Фирибгар куз қўйнида
Хазон бўлди япроқлар,
Муҳаббатнинг бўйнида
Қолиб кетди гуноҳлар.

Умид бизни алдади,
Вафо қилмади бу жон.
Дилдаги оғриқ каби
Фарёд узун, bemажол.

Ўзгаришлар кечди жим,
Ой тўлди, сувлар оқди.
Кечикмай келди Ўлим,
Дунёнинг бағрин ёқди...

АКАМ ХОТИРАСИГА

Сездим сенинг кетганингни кўнгилдан...
Чўлпон.

Дўйсту ёр йиғлади фафлатни қарғаб,
Дилни эзис кирди умрлик бир ғам.
Гарчи биз ёлбордик: ёлғон эт, ё раб,
Ўшал кун биз Сиздан айрилдик, оғам.

Ғурбат тоғиними елкалаб келган
Кун эди, юракда ҳасратлари зил.
Умид офтобига бошини қўйган
Чоғида ерларга қулади кўнгил.

Ҳаёт бир тўкилди Ўлим пойига,
Оғир кишанида ингранди жон ҳам,
Кўпгил жим йиғлади ўзии ҳолига,

Дунёнинг бири кам, кўнгилда минг кам.

Хижрон дудин туйиб қорайди фалак,
Термулдик Сиз юрган йўлларга бекор,
Юракка бир маъюс соғинчлар солиб,
Қайтмас бўлиб кетди қирқ икки баҳор...

ОТАМНИ ЭСЛАБ

Сизни ўйлаганда хаёлим нурли,
Меҳрингиз чайқалган самовий денгиз,
Фақат соғингапда энди бир мунгли,
Тушларимдан келар овозларингиз.

Сиз ўтиб борасиз уфқ томонга,
Фурсатингиз йўқдай қайрилмоққа ҳам.
Кўшилиб кетасиз ғалат тумапга,
Қадамингиз энди ердан узилган.

Илғамай қоламан кўзларингизни,
Қай ифода ҳоким, қандай нур зоҳир,
Туманлардан излаб изларингизни,
Қадрдон далалар хўрсинар оғир.

Хазонлар, жимгина тўкилган янглиғ,
Айтилмаган сўзлар рангсиз, бекадр.
Сиз эса, қайдадир, руҳингиз ёруғ,
Сирдош одамингиз топгансиэ ахир.

НОДИРА ҒАЗАЛИГА МУХАММАС

Жисм аро жон хаста бўлди ёрсиз,
Хофизим этмас тараҳхум, корсиз,
Зору афғон этгаймен жим, зорсиз,
Ёрнинг васли эмас озорсиз,
Гулшан ичра гул топилмас хорсиз.

Бир ишора бўлса ёхуд гарди по,
Кўзимда нури умид бўлмас адо,
Эшигинда бўлдиму мипг йиnl гадо.
Ул париваш васлидан бўлдим жудо,
Роҳати дил қолмади дилдорсиз.

Менга эрмас, ўзгаларга кулди ул,
Шум рақибнинг олдида хор бу кўнгил,
Энди йиғлаб ювса кетмас доти дил,

Оразин кўр, зулфидин бўлма малул,
Бу жаҳонда ганж йўқдир морсиз.

Неки андуҳ келди ул ғаддордин,
Кўйдиму ком изладим шарордин,
Телба ошиқ қайтмас эрмиш дордин,
Ор қилмас таънаи ағёрдин,
Ошиқи содиқни дерлар орсиз.

Ёр, майли, энди ғайби роҳ ўлинг,
Жонда фитна ёткуур титроқ ўлинг,
Дил худога тухфа этсин, жоҳ ўлинг,
Нодира аҳволидан огоҳ ўлинг,
Эй мусоҳибларки, қолмиш ёрсиз.

* * *

Ёмғир ёғар. Йиглаб-йиглаб тарқар булутлар,
Эрта, албат, бу тунроқда майса унади.
Қисмат инъом этган янги қўкламга қараб,
Бугун менинг кўзимга ҳам ёшлар келади.

Ҳали қишининг муз нафаси йироқ кетмаган,
Яп-яланғоч новдаларда рух бор телбавор.
... Ташлаб келган манзилларин дил унутмаган,
Юрагимда ўтган йилги ҳазон расми бор.

* * *

Ёр бўлса, кўнглида ардоғи бўлса,
Руҳида муҳаббат — бедоғи бўлса,
Тийгулар талоши кўнглин ўртаса,
Лаблари бир гулнинг япроги бўлса.

Бир келса, бир йўла баҳт ола келса,
Бир келса, йўлларин ювса ёмғирлар,
Ёр келса, аввало ҳаёла келса,
Ишқдан телба бўлса дўсту ёғийлар.

Ёр келса, сўргани дилу жон бўлса,
Ташна бўлиб келса меҳрга, зорга.
Ҳукмида балки юз меҳрибон бўлса,
Алманиб келсайди ёлғиз дийдорга,

Ёр бўлса, ардоқли бўлса жон каби,
Азиз этган бўлса уни худойим.

Арзиса бир марта ўлмоғишта ҳам,
Яшасанг, сифиниб яшасанг доим...

* * *

Чоғим йўқ, ўзимни тарқ этган чоғим,
Жисми урёнимда ўсган пучмоғим,
Руҳим дараҳтидан тўкнб япроғим,
Сени сўраб борсам, остоңанг қани?

Гулхан ўчган бўлса кўнглим кулмасми,
Йўлинг кесган бўлсам, севгим йўлмасми,
Илкингда сўлдирган мендай гулмасми,
Гавҳар экай десам, гулхонанг қани?

Изимни изласа, топгай изтироб,
Кулбамга бир бора боқмайди офтоб...
Ранжим кўп, умндин ундан беҳисоб,
Севмоқни ўргансам, дарсхонанг қани?

Жонимда бир жондай кечди малолим,
Кўнглим вайронида дардинг — жалолим,
Нечун номинг айтсам, йиглар хаёлим,
Яшаб ўтай десам кошонанг қани?

БОЛАЛИК

Сен ҳам майсамидинг баҳор қўйнида,
Яйраб ўсган эдинг дарё бўйида.
Билмадим, қай орзу, армон ўйида
Сени тўлқинларга оқиздим ўйнаб.

Бошимдан турна.тар тўкканда хаёл,
Берк эшпк кпбрпдек дунёда малол.
Кўкларга боқдиму бепарво, беҳол
Сени тўлқинларга оқнздим ўйнаб.

Энди умрим уммон сари елдими,
Баҳор ўтиб яна баҳор келдими?
Бағрида дур оқди, дарё билдими?
Сени тўлқинларга оқиздим ўйнаб.

* * *

Боғлар кўчиб кетди бу оқшом,

Шамолларни етаклаб кетди.
Ҳувиллаган маҳзун гўшада
Неки бўлса, йўқолди, йитди.

Юрагимга боқдим ўртаниб,
Тушнб турар туннинг сояси.
Мену дунё оралиғида
Яшар ишқнинг бир ҳикояси.

Қайларгадир тентираб кетган
Дарё каби қайтмадим ортга.
Билдим, севгим мени унуган,
Шундан дилда қайғулар ортган.

Мени олиб кетди муҳаббат
Абад йитмас саволлар билан.
То тонггача яшагим келди
Кўз ёш томған хаёллар билан.

* * *

Юлдуз тўла осмонга боқдим,
Юлдузим йўқ эди осмонда,
Мен ўйладим: унуган мени.

Сочларимни силаб қаро тун,
Вужудимдан ўтди сирғалиб,
Куйган кўйга рақс этди телба.

Чирилдоқлар овози қалқиб.
Оқиб ўтди сирли бир тўлқин.
Эпкинидан тебранди кўнглим.

Йигладим. Жим қолди овозим,
Фақат оқиб кетди кўзимдан
Шаффоф нурга тўлган ёшлигим.

* * *

Бу кун ўхшар кечаги кунга,
Кечагидай умрим тартиби.
Улгурмадим ўзгартирмоққа,
Маълум эмас бахтнинг таркиби.
Бу кун ўхшар кечаги кунга.

Сиз ҳам ўша, мен ҳам ўшаман:

Ҳамон ожиз туғён олдида.
Лаҳза билан яшаб ўтаман,
Лаҳзаликман Армон олдинда.
Сиз ҳам ўша, мен ҳам ўшаман.

Соядекман ўз хаёлимдан.
Дардларимдак қисқа бир нафас.
Шарпа янглиғ, нотинч ҳолимдан,
Ўз кўнглимдан кўчган ажиб сас.
Мен сояман ўз хаёлимдан.

Ойдинлари кўпdir дунёning,
Бисёр сўқир қоронгулари.
Софинаман гўзал тунларнинг
Дилга тушган тинч ёғдуларин,
Ойдинлари кўпdir дунёning.

Сахар туриб қарайман йўлга
Ҳамон бу йўл — Қуёшнинг йўли,
Бу кун ўхшар кечаги кунга,
Олисларда унинг манзили.
Сахар туриб қарайман йўлга,

АКСИЛТАШБЕҲЛАР

Ой фонусга ўхшамас гарчи,
Тун кўтарнб ўтмоқда уни.

Кўзгу эмас бу моҳрўй, унда
Ўзга баланд дунё акс этса.

Йиғлаб-йиғлаб сир айтсанг ҳамки,
Айланолмас оқ кийган қизга.

Афсус, оппоқ сандиқ эмас ой,
Чиқиб келса гўзал малика.

Тош эмас у, «ёрил, тош», десам,
Бошимдан жим элар ойдинлик.

ИМОН

Нечун таъма билан боқасап кўкка,
Кўксингда марҳумдай чўккан-ку юрак.
Уни тирилтиromoқ жон бермоқ учун
Исо пайғамбарнинг нафаси керак.

* * *

Ўшал кун унутдим таниш йўлларни,
Турфа сояларга тикилдим ҳайрон.
Мен йўқотиб қўйган жавохирлардек
Кўзимга босилди юлдузли осмон.

Ўшал кун кетолмай паришон турдим,
Хаёлингга кирдим балки сўнгги бор.
Ихтиёrsиз ерга номингни ёздим,
Номсиз ўйларимнинг тасвири мисол.

Уза олмаётган қарзларнм қўпдай,
Тик боқа олмадпм ўтмиш қўзига.
Елларга ишондим сирларимизни,
Ишона олмадим балки ўзимга.

Йигладим, тушуниб-тушунмай ғамни,
Хаёлнинг беўхшов рақсини кўрдим,
Умримнинг энг озод тўлқинларини
Бир тор дарёларга топшириб қўйдим.

* * *

Ёrim, дунё йўлларингга олов тўкар,
Сен қарасанг, ўшал нилгун само чўкар,
Етолмайин орtingда ғам қаддин букар,
Агар менинг муҳаббатим хотирласанг.

Фалак ул кун кечгай юксак ғууридан,
Манглайнинг ёритгайдир Ҳақ нуридан,
Кўкка боқсанг, ой узатгай сууридан,
Агар менинг муҳаббатим хотирласанг.

Соҳир кўклам кўнглим каби телба бўлгай,
Ташрифингдан не қасрлар қулба бўлгай,
Сахролар ҳам иккимизга хулдо бўлгай,
Агар менинг муҳаббатим хотирласанг.

Ёrim, фидо бўлмоққа бир жоним етар,
Менинг мунглиғ кўнглимдан ҳам ғубор кетар
Фаришталар юрагингга хатлар битар,
Агар менинг муҳаббатим хотирласанг.

ИШҚ ҲАҚИДА ҚЎШИҚ

Чархи кўҳан юзи қоралар бўлди,
Пирпираб-пирпираб ўчди бир юлдуз.

Бағрингга энди ғам оралар бўлди,
Кўчмагин, юракда яшарсан, дилсўз.

Қайга изгиб кетди туннинг шарпаси,
Чакирсан келарми бирор-бир хабар

Билмадим, дунёда эрирми бир тош.
Тун бўйи йигласам, йигласам агар...

Қадимий боғда жим гуллади жийда,
Тонг чоғи гулларин тўкар, вовайло.

Бир Юсуф оҳ чекар сабух пайтида,
Айтингиз, йигласин юзта Зулайҳо...

* * *

Мен ҳам шу офтобдай кетарман бир кун,
Тунлар тўкилади ҳовучларингга.
Ҳарир оқ либосда мен каби маҳзун
Ёғдулар киради тунд кечларингга.

Балки кўклам янглиғ кетсам ажабмас.
Ёмғирлар ёғади эзилиб кўқдан.
Намчил далаларда мен каби дилхун
Гуллар пайдо бўлар хаёлдан, йўқдан.

Биламан, сен мени севмайсан энди,
Бир йўл кўрдим рўё тумани аро.
Кўзларим нурини тўшаб қарадим,
Кўзларим бўлдилар тундан-да қаро.

Мен ҳам энди сени соғинмай қўйдим,
Дилнинг шарпасини кўрдим йироқда.
Озода тонгларга илтижо қилдим,
Кутқаринг деб дилни бундай фироқдан.

Иккимизда эди икки йўл боши:
Бир пора ўт кўрдим, яшнаган, гўзал.
Талпиндинг, балки шу ўтни тиладинг,
Менга раво кўрди тақдири азал.

Бир пора ўт кўрдим яшнаган, гўзал...

ТУШ

Туш кўрдим, кўнглимнинг харобасида
Оловнинг тиллари сўзлади оят.
Кўрдим: ёниб битди унинг дастида
Ровийлар нақл этган барча ривоят.

Кўтариб қоп-қора тун чачвонини
Хотирлар изларин узди заминдан.
Саҳфалаб очдилар муслим жонини,
Бир имо етмади само, самоъдан.

Юлдузиз осмондай қорайди бағрим,
Эгаси тарқ этган кўкка интилиб.
Шунча поёнсизми эди ё қаҳри,
Мени дунёсидан кетдилар юлиб.

Номаълум ғорда ҳам топмадим паноҳ,
Жинонин унутдим, ғамларга ботдим.
Шунда кириб келди ёлғиз бир сайёх,
Ёнимда бир тошни туртиб уйғотди.

Менга-да боқмади, ғам бино этган
Тошни тавоб этди, секин сўзлади:
«Бу дил, хайриятки, кўрмоққа етди,
Шу кунни изладим, минг йил изладим».

Сўнг кетди, Тош қолди. Ортга қайтмади
Кўнглимда гумонлар ўсаверди жим.
Тош эса кўр эди, менга боқмади.
Гунг эди мисоли дунёи қадим.

* * *

Ҳаттоки, ёнма-ён яшаб туриб ҳам,
Бир-бировин баъзан севолмас одам.

Ҳаттоки, жонидан ортиқ севиб ҳам,
Бир-бировга меҳр беролмас одам.

Меҳрли бўлса-да бир-бирисига,
Барибир, недандир кўнгли қисилган.

Кўнгил бир нимани қўмсайди мудом,

Бу не муҳтожлиқдир, билолмас одам...

* * *

Кунлар ҳазин эди, дараҳтлар юпун,
Кўнглимга ботарди Ҳасратнинг тифи.
Шу қадим дунёниг ич-ичларидан
Гўё чиқиб келар ожиз бир йиги.

Ўйладим: бу овоз— қисмат овози,
Балки мен эртароқ тингладим уни.
Балки ҳариф кунлар руҳига монанд
Соҳиб табиатдан тиладим уни.

Ўйладим: мен нечун бунда кезгайман?
Кўнглимда йўлларнинг сурати ўзга.
Бир куни, барибир, ахир безгайман,
Биламан, кўнглимнинг фитрати ўзга...

Ўйладим: бир куни кечгайлар жондан
Ишқни таниганлар диллари пора.
Аслида юракнинг туб-тубларида
Жондан кечмоқ азми — энг сўнгти чора

Аслида «бахт» сўзи ҳам бир тасалли,
Уни тилаб олган сўқир бандалар.
Дунёниг бағрини қон қилган асли
Ишқизлар кўнглида йиққан жандалар,

Юракда энг улуғ бахтдир эътиқод,
Унинг қудрати зўр буюк дуодай.
Кўнглим танимаса шу бахтни агар,
Мен етган манзил ҳам олис Худодан.

* * *

Ойдан-да ойдинроқ бир кеча ўтар,
Ғунчалар очилар унинг бағрида.
Товушин чиқармай бир товуш учар
Ва сўнар бу ёруғ тундан нарида.

Ойдан-да ойдинроқ бир кеча ўтар,
Қарайман, дараҳтлар ўсар ҳар лаҳза,
Идроким қобиғин йиртар шоҳлари.
Йўлнинг йўлсизлигин айтар ҳар нарса,

Ойдан-да ойдинроқ бир кеча ўтар.
Дилимнинг меҳмони — бир ҳовуч юлдуз.
Тўлқинлар интилиб бузар қирғоқни
Шариасиз, товушсиз, бир ишорасиз.

Ойдан-да ойдинроқ бир кеча ўтар,
Хаёллар — қирғоғи бузилган дарё.
Маконда макон йўқ, деб айтар улар,
Маконда макон йўқ — қайтади гўё.

Ойдан-да ойдинроқ бир кеча ўтар.
Қайдадир бор эмиш бетгоён манзил.
Унгача кўзларим кўргани — Ҳаёт,
Лаҳзалар давоми — умр деган йўл...

* * *

Фурсат кўчиб юрар гулдан гулларга.
Чирқираб сайрайди қушлар безовта:
Умиднинг энг гўзал нафасларида
Ҳолдан тойиб борар дунёни мақтаб.

Гунчалар очилар — Вақтнинг тортиғи.
Эрта хазон бўлиб балки тўқилар.
Ҳасратнинг ёруғ ва пок қучоғида
Фақат Ишқ илоҳий гул каби қулар.

Бардошлар тилайди ўзига диллар.
Уларни кутмоқда самовий талъат.
Бир ухлаб рухлар-ла қовушар улар,
Гуноҳкор дунёни севмоқлик — бидъат.

Кунларнинг қошида лол тураг Идрок,
Жим ютиб самовий яшинлар қаҳрин,
Ўткинчи умрдан излайди маъно,
Фақат шу даҳрга сифинган даҳрий,..

* * *

Не кечса, бошингдан кечгани аён,
Фарёд китобингда сахфалар бисёр.
Эй муборак замин, она Туркистон,
Ҳар тошингда қисмат ёзиғлари бор.

Тарихинг вараклаб, бағрингда урён
Кечган түғёнлар-ла уйғонар кўнгил.

Эрк деб жондан кечган мардларинг бирён,
Ёвларинг макридан тўлғонар кўнгил.

Маккор сиёсатнинг фирибгар қўли
Эртанги кунингдан очганида фол,
Асл эрларингга чанг солди Ўлим,
«Туркистон қайғуси»— энг озод хаёл.

Шукр, энди олис кирланган овоз,
Сенга етмас унинг акси-садоси.
Бугун кенг бағрингда янграган-овоз—
Истиқлолимизнинг баланд парвози.

Жасур қирғиз қизи Қурмон додхонинг
Ўғлонлари каби жон фидо этган,
Туркману қозоқнинг битган армони,
Бугун Чўлпонларинг орзуга етган.

Тожикистон гарчи гоҳо беором,
Ёруғ қунларидан яшар умидвор.
Сенинг ўлмас руҳинг — бугуннинг руҳи,
Фарзандлар сўзида буюк меҳринг ёр.

Бу меҳр шу қадим, азиз тупроққа,
Бу меҳр шу юртга — жонга туташган.
Унга фарзанд бўлган беш буюк халққа,
Барчасининг қони қонга туташган!

ЧОРЛОВ

Сенинг елкаларинг балки кенг эмас,
Жуссангда йўқ балки Рустам келбати.
Бироқ, фақат сенинг елкангга сифар
Ўзбаки элингнинг ғаму ғурбати.

Камлик бор, эҳтимол, шошқин феълингда
Турмушингда, балки, кўп нарса етмас.
Сендан ўзга ҳеч ким, бироқ, элингга
Шодликни соғинмас, эрк инъом этмас.

Ўғлон, юрагингда дардларинг кўпдир,
Вафо қилолмассан ёхуд ёрингга.
Бироқ сендан ўзга вафодор йўқдир,
Гарчн ҳаридор кўп Ватан — зорингга.

Зулм қоясидан тош кўчди бугун,
Жаҳолат лашкарин бузулди сафи.

Ёвларинг уйида таҳлика, ваҳм,
Ёришиб келмоқда уфқинг тарафи.

Ўғлон, фурсат етди, ўзлигинг тани,
Юракка жасорат тилагин кўпроқ.
Силжитгин зулумот ҳудудларини,
Бугун сенга муштоқ бу туркий тупроқ.

* * *

Хаёлкаш дарахтлар руҳлардай сокин,
Ўзга бир дунёнинг сояларидаи.
Мен сенинг ёнингдан келганман, Ўлим,
Бироқ Ҳаёт билан боғланган ёдим.

Оташга сифинган телба аёлдай,
Ҳаётга бир севги пинҳон ёнади.
Биламан, қайтсан-да сенинг ёнингга,
Гардларимда менинг бу ишқ қолади...

* * *

Мудом ёруғлик бор йўлнинг сўнгида,
Армон қийнамайди овутар ёдинг.
Сочларингда ойнинг доғлари эмас,
Зулумот тинглаган пинҳон фарёдинг.

Мұхаббат — энди ул хатолар эмас,
Умринг фидолиги соғинчга, дардга...
Сени унутгайлар ер худолари,
Осмон хенг, хаёл кенг, келар мададга.

Юрагинг қачондир банд этилган қуш,
Илк бор эркни туяр — ишқнинг сўнг йўлин
...Парвозга шай қушнинг қанотлари қон,
Уни қўйиб юбор, лаънати дилим...

МУҲАББАТ

Неча бор йиқилдим сенинг изингда,
Неча бор қайтадан тикланди қадим.
Қолдирмоқ истадим балки ўзимда
Ё балки сен билан кетмоқ истадим.
Неча бор йиқилдим сенинг изингда.

Йиқилсам, йўлларнинг ғуборин йифдим,
Турсам, юзларимга тегди шамоллар.
Йиғласам, бир томчи ёшга ҳам сиғдим,
Юпансам, юпатди мени хаёллар.
Йиқилсам, йўлларнинг ғуборин йифдим,

Менга сирдош бўлди ўзимнинг кўнглим,
Мен азиз номингни унга ишондим.
Уйғонсам, осойиш тонглар дафъатан
Кўнглим овозидан қалқиб уйғондим,
Менга сирдош бўлди ўзимнинг кўнглим,

Ортга қараб-қараб кетаётгандай,
Узолмай кунларнинг кўринмас ипин.
Яна бир учрашув кутаётгандай,
Мунис қиёғангни тўлдирмоқ учун...
Ортга қараб-қараб кетаётгандай.

Оловдан қутқариб олинган расминг
Ҳамон юрагимда тутаб ётибди.
Кўнглимдай қонаган уфқ яллиғига
Ҳар оқшом биттадан қуёш ботибди.
Оловдан қутқариб олинган расминг...

* * *

1

Енгил феълли ошиқлар мисол
Ўзгаради бу кунлар таъби.
Оғир сўзлар келади малол.
Гўё нохуш фол кўрган каби
Мен қарайман ўз тақдиримга,
Улғаяди шунда дардларим,
Тушунгандай олам сирига,
Юрагимнинг косаси яrim.
Гарчи кўнглим тўла ҳаётга,
Уни севиб тўймадим ҳали.
Мени оғир ўйларга отган —
Қисматнинг тунд бефарқ йўллари.

2

Нега келган эдинг, деб сўрмас ҳеч ким
Қайга кетмоқдасан, деб айтмас биров.
Аслида саодат излаган эдим,
Аслида сиғинган сўзларим — Олов...

БАРГИЗУБ

Баргизуб,
мен Сизни
ҳар кўклам кутаман интиқ.
Келасиз
энг хилват жойларга.
Сиз ҳар гал янгисиз,
яна ҳам гўзал,
бир ажаб дафтарми япроқларингиз,
ёзилган ҳавонинг қўллари билан?

Баргизуб, биласиз,
Сиз ўсган қирғоқ
менинг болалигим қирғоғи эди.
Сочлари шамолда учган қизалок,
кувончи ариққа оқкан қизалоқ,
ўша — мен, бир қадар ўзгардим энди,

Барибир,
Сиз билан сухбат қургали,
ҳар кўклам ортимга қайтаман,
болалигимга.
Чунки шу ҳаётни севмоқлик учун,
Умрни, кўкламни билмоқлик учун,
Сизнинг хув болалик меҳрингиз каби
ёруғлик излайман қўнглимга жуда.

Сиз, гўё кўкламнинг митти ҳовучи,
бир қадаҳ шабнамни қўтариб турган,
Мен-чи, ўтаётган оддий йўловчи,
Сизда табиатнинг сехрини туйган...
Баргизуб...

* * *

Гарчи шаҳарда ҳам баҳор нафаси,
Фақат кенгликларнинг сирлилиги йўқ,
Одамлар ўзича баҳтли ҳар қайси,
Кувонч, ташвишининг бирликлиги йўқ.

Чиқиб кетай десанг, кўчалар ёруғ,
Хаёл сурай десанг, гавжум гўшалар.
Нотаниш кимлардир кўнглинг оғритар,
Сўнгра овутган ҳам яна ўшалар.

Фақат хиёбонда ўзга руҳ ҳоким,
Фақат хиёбонга кўнглинг интилар.
Жимгина, шу ерда, баҳорни кутиб,
Мангулик ҳақида шеър ёзгинг келар

* * *

Сукунат чўкса-да тугамас қўшиқ,
Ўтиб бораяпман бир соғинч — куйга,
Севгилим, сизми у, бунчалар тиник
Овоз бера олган ёлғизлигимга?

Севгилим, сизми у, мени унуган,
Бахтли бўла олган ўзга дил билан,
Сизми у, барибир, яна эслаган,
Бироқ айтолмаган уни тил билан.

Сизми у, бир қуни ўзингиз сезмай,
Тақдир деб барига кўнган, кўнилкан?
Ўтаётган кунлар бағридан туриб,
Сизми у, дунёга маъюс кўз тиккан?

Севгилим, сизми у, мени унуган...

КЎКЛАМ КУНИДА

Кўл ушлашиб шамоллар билан,
Кезиб чиқдим дала-қирларни,
Майсаларда қолди изларим.

Шивирлашиб дарахтлар билан,
Такрор қилдим мен ҳам сирларни,
Қувончларни топди сўзларим.

Оппоқ-оппоқ булутлар каби
Кўнглим менинг юксалди енгил,
Мовийликпи танидим шунда.

Юрагимда оғриқ йўқ эди,
«Бахт изласанг, қуш бўлиб туғил»,
Дегак сўзни ўқидим унда.

* * *

Қушлар учиб кетди, қисқарди кунлар,
Дединг: юрагимга сифмас ҳеч нима.
Кўзларингни олдинг ғамгин кунлардан,

Кўнглинг даричасин беркитдинг шундай,
На қувонч, на ҳасрат бўлмади меҳмон.
Сезмадинг, ўзгарар тегрангда дунё.

Мен сенинг номингни айтиб чақирдим.
Менга жавоб қилди кенг бир сукунат,
Менга жавоб қилди сенсиз кунларим,

Сен айланган эдинг Вақтнинг ўзига.

* * *

Хайрлашув қўшигини айтар дарахтлар,
Кетаётган нарсаларнинг номлари унут.
Ҳамма нарса айланмоқда муаллақ вақтга,
Оёғимиз қўйилган жой — пастлаган булут,

Тийрамоҳнинг сокин, тиник кунлари аро
Кетаётган нарсаларнинг илғаймиз шаклин.
Ана, сенинг кўзларингга ўхшайди само,
Дунёни шу балаидликка қўтариш мумкин.

Қўлларимиз етган жойда тугамас умид,
Овозимиз ўтиб борар сўнгги синовдан.
Табиатнинг совиётган бағрида бу кун
Бир рух кезар, қолиб кетган ёнган оловдан

* * *

Интилсам, тунимда шамчироғим йўқ,
Рұхимда баҳорим, гулгун чоғим йўқ.
Дилимни тарқ этмиш туғёним менинг,
Гул бирла сирлашсам, гул дудофим йўқ.

Бир япроқ эмасман, эй шамол, афсус,
Тўкилсам, тўкилсам, тўкилсам маъюс.
Ё бағрингда учиб қайгадир кстсам,
Ўзимни унутсам, бир кун унутсам.

Фитналар тўқирмиш дунё бир томон,
Омонлик сўрайман ёлбориб ҳар он,
Суйкалиб ўтади кўнглим Ҳасратга,

Жисмимга суйкалар минг битта армон.

Титрайман, асраган япроғим — хазон,
Йиғиниб орттирган хазинам ҳам йўқ,
Юрагимда яшар ҳамон бир осмон,
Боқсан, самода мен севган олам йўқ...

* * *

Ёмғир тинди. Очилди қишлоқ.
Хидин сочди ялпизлар майин.
Мактабига бормай қизалоқ
Чиқиб кетди ялпиз тергани.

Болакайнинг хаёлларидај
Парвоз қилди қуёшга варрак.
Бебош бузоқ далага қочиб
Неча кунлар кетди бедарак.

Ҳар жойларда яшиллик ичра
Узилмаган лолалар ёнди.
Шивирлади гўё шаббода:
«Такрор бўлмас бу кунлар энди».

* * *

Секин ёғар кузнинг ёмғири,
Ўтирибмиз, сўзга ҳожат йўқ.
Кўзингизда азиз хотира,
Таниш меҳр, таниш ўй, гапийўқ.

Елкангизда турмуш савдоси,
Сиз бир оддий шарқнинг аёли.
Ўтинаман, ташвиш ғавғони,
Опа, бир дам унута қолинг.

Бунда бари сиз билан боғлиқ,
Тупроқли йўл, азиз хонадон,
Кўнглимизнинг муnis армони —
Ҳаммамизга севикли инсон.

Унинг азиз хотирасига
Маъюс тортсин кўнглимиз бир дам.
Опа, сиз ҳам унга ўхшаган
Ҳаммамизга энг азиз одам.

* * *

Юлдузлар акс этар кўл ойнасида,
Осмон чексизлиги кўлларга кўчар,
Нарсалар хаёлнинг бир соясидай,
Уларни ёнма-ён қиласр бу кеча.

Жимгина туради ҳар битта дарахт,
Бир ажиб ойдинлик эзар жисмини,
Бугун табиатда кезиб юрар Бахт,
Эҳтиётлар ҳар бир ғунча исмини.

* * *

Энди фалак юлдуз тўкса жомидан,
Баҳайбат тун ичса дарё қонидан,
Атиргул жой топса Зухал ёнидан,
Мен Сизга пайғомлар йўлларман албат.

Энди ҳилол билан сирлашса ҳовлим,
Чарх амридан забун бўлмаса ҳолим.
Ёлғиз Сизга аён этурман долим,
Мен Сизга пайғомлар йўлларман албат.

Энди далв тугамай синса қаҳратон,
Тамуғдаи бир чимдим ўт сўрса жинон,
Узугин қайта бир тақса Сулаймон,
Мен Сизга пайғомлар йўлларман албат.

Энди барқ шуъласи тушса рўёга,
Булут соя солса меҳригийёга,
Ёмғир ёғиб ўтса даҳрий дунёга,
Мен Сизга пайғомлар йўлларман албат.

Энди Кун ўрнида келса бир пари,
Бағрида кулса гар лаългун гуллари,
Кимман, келарман-да Сизни ахтариб,
Мен Сизга пайғомлар йўлларман албат...

* * *

Ғамобод кунларим топгай ниҳоя,
Дилни вайронликдан сақлаб ўтарман
Шу улкан даҳр аро топдим ҳимоя,
Энди бу дунёни ёқлаб кетарман.

Ойсаро хаёллар етакласа жим,
Ёруғ остоңага бошим етгайдир.
Юлдузлар ошёни ул сирли анжум
Мени ҳам қайгадир олиб кетгайдир.

Мен қурган иморат тоабад йитмас,
Ғамобод кунларкм топгай ниҳоя.
Лабларим шивирлаб айтса ажабмас,
«Мұхабbat, мен сени яратдим» дея.

* * *

Күй чалса гар муганний,
Дилда дил топилгайми,
Ҳабибим қўшиқ айтса,
Шул куйга қотилгайми.

Ишқ базмиға кечиккан
Барчага овоз етиб,
Ҳамма зулмат тарқалиб,
Жами йўл очилгайми.

Менинг бөғимда ўсган
Қоп-қора тун гуллари
Сайргоҳ самоларга
Жавқу жавқ сочилигайми.

Жонга тушган тийрадуд
Ерни ҳам хушманд этиб,
Ғамли күй оҳангига
Йиғланбон топингайми.

Муножотни жон қуши
Ўзи-ла олиб учса,
Вужуд ўшал кунда жим
Тунларни ёпингайми.

Ёхуд мастона куйда
Бирлашиб рух ила тан,
Базмга йўл олса гар,
Мангулик сотилгайми...

Күй чалса гар муганний,
Дилда дил топилгайми,
Ҳабибим қўшиқ айтса,
Шул куйга қотилгайми...

* * *

Бир гул очилгунча фурсат ўтибди,
Бир ишқ ўлмоғига бу мұхлат етмас.
Фақат бир қадарли туман тушибди,
Унда нималардир ошкора эмас.

Хазон гулшанида тадорикми бу,
Титраб узилгандай гулнинг япроғи.
Фақат юрақдаги қийнаган туйғу.
Яна мұхаббатга дахли бор өфі.

Кўкнинг ҳовучидан тўкилган йиллар
Қад ростлаб ортимдан эргашар бесас.
Юрагимда кечган оғриқлар монанд
Қадрдон кимимдир олади нафас.

Шамолдай ўтгандим Сизнинг йўллардан,
Шошилиб ўтгандим тонг өғи бегам.
Энди яшайин деб бошмм кўтарсан,
Тўкилиб қолибман унда ўзим ҳам.

Дунё мангу эмас, дарёлар бир кун
Нари тушар азиз қирғоқларидан.
ўйловдим, тўкилсан тўкиламан жим
Сездирмай кўзингиз қароқларидан.

Ўйлабман, мени-да етаклар тақдир.
Эшитиб қалбимнинг шивирларини.
Юрагимга туташ жойлабман ахир
Ишқнинг қони оққан томирларини.

Бир гул очилгунча фурсат ўтибди,
Бир ишқ ўлмоғига бу мұхлат етмас.
Фақат бир қадарли туман тушибди,
Фақат нималардир ошкора эмас...

* * *

Кўнглингнинг тубида исмлар —
ҳеч вақт танимаган одамлар исми.
Мухтожлик сезасан ҳар лаҳза
одамларга сен.

Хотирангдаги воқеалар

ҳеч қачон бошингдан кечмаган балки.
Сен ҳар вақт сезасан умрингда
воқеалар бўшлигин.

Тўлқинлар
чукурликни яшиromoқ учун
фақат.
Сўзлар оддийлик учун
хизмат қилар
бор-йўғи.

Кўнглингнинг тубида
илғаб олинмаган
алоқадорлик.

ЁМГИР

Ёмғир тинмай урилар деразамга,
Ёмғир чалган куйни тинглаб турман.
Хонам ичра астагииа елкамдан
Кулаётган сукунатни кўраман.

Ёмғир эса сочилар жуфт изларга,
Оғочларнинг япроқлари ялтирап.
Хаёлларим кезар дунё, йўлларга
Астагина чақиради Хотира.

Ёмғир ёғар, эрир ғубор пардаси,
Узун-узун йўлкаларни ювади,
Учиб юрган оҳаигларнинг ҳамасин
Бўлиб-бўлиб деразамга уради.

ТАЪСИРЧАНЛИК

Қайғу билан ёруғ қувонч чегарасида
Турибман жим, ўхшаб гўё кузги япроқقا,
Бундай ажиб мастьудликнинг ҳар лаҳзасида
Юракдаги нотинч шивир таралар боқقا.

Қайғу билан ёруғ қувонч чегарасида
Кўшиқ гоҳи баҳтли қилар, бузар кўнглимни.
Мен Ҳаётни кўрмоқдаман ранглар раксида
Сояларнинг шарпасида кўрдим Ўлимни.

Ҳар қандай сас қулоғингни йиртиб кетгудек,
Сокинлик ҳам вужудингга ботади қаттиқ.

Ҳар қимирлаш юрагингга бориб етгудек,
Кўрқинчлидир шамолларнинг бу ҳаракати,

БОЛАЛИК

Оқ каптарлар учар тиник самода,
Бир вақтлар қўнарди тутсам қўлимни.
Танимади, қўлим қолди ҳавода,
Яна олисларга солди йўлини.

Болалик — оқ каптар, учиб кетади,
Бизни оғушлайди ўзгача олам.
Юлдузлар ёнида парвоз этади,
Унга қўлимизни чўзмасмиз биз ҳам.

* * *

Ўзим ҳақда сўзларим қисқа,
Тугал эмас умрим тасвири.
Ҳали менинг қарзим кўп Сўздан.

Юрагимнинг, баёни — қўшиқ,
Мени ташлаб кетгаи кунларнинг
Иzlай-излай топилган номи.

Муаллимам — ғамгин бир аёл.
Хотиротнинг қўзгусидаги
Суратига юқмаган чанглар.

Уйларимнинг давоми — Ватан.
Ҳали ҳеч бир фарзанд сезгиси
Тўла қамрай олмаган кенглик.

Мен таниган ва танимаган
Одамларга атаган сўзим,
Менинг ўтар йўлим — Мухаббат....

* * *

Мен Сизни кузатдим. Вақт тўхтаб қолди
Кўклам келганига ишонмади ер.
Тўлқинлар жимгина ўпган соҳилда
Энди мени кутар музлаган шуур.

Замин дийдорига тўймадим сира,

Бошимни қўяркан сархуш тупроққа,
Шивирлаб ёлбордим сирдош елларга,
«Мени олиб кетинг у кетган ёққа».

Қанотлари енгил эрка қушларнинг,
Ерга тушган жимит сояси мисол,
Бир лаҳза акс этдим Вақтнинг қўзида,
Бир лаҳза ёдимни қийнади малол.

Мен Сизни кузатдим. Оғриқлар тилаб,
Юракка сўзладим сўзларингизни,
Ойдин кечаларда ўқидим титраб,
Сирли мактуб каби, изларингизни.

Мен Сизни кузатдим...

ТУНГИ ҚУШИҚ

Тун бўйи хаёлим кезди боғларда,
Осмонда изма-из юлдузлар учди.
Дараҳтлар шивирлаб бир-бирларига,
Билмадим, неларни тушунириши.

Мен эса илғадим хар кўланкани,
Хар таниш овозга жим кулоқ солдим.
Юракдаги қанча умидларимни
Яна бир кечадан олиб ўтолдим.

НОМСИЗ ҚУШИҚ

Шундай яқин эди сенинг қиёфанг,
Шамоллар кўчиб ўтар
энг яқин боққа.

Намхуш хазон билан қоришган ҳаво
Осмонда юлдузлар
соясиз.

Юардим ташқари ўз хаёлимдан.
Эркни танимаган
ўйламас эркни.

Мен ҳатто учардим ҳаводан енгил.
Ёқилган ҳавонинг кули —
оидинлик.

Кимдир йиғлар эди, овози таниш;
Товушдан ҳимоя сўрар
одамлар,

Ҳайрон боқар эдим, дилим талангаа,
Қароқчилар изи
узоқлаб кетган.

ШАРҚ АЁЛИДАН СУРОВЛАР

Сиз нола қилдингиз кўқда ойларга,
Олиб кет, дедингиз оқар сойларга,
Сигиниб муқаддас, азиз жойларга,
Кўзингиз кўргани қандай нур эди,
Тилаб олганингиз қандай дур эди?

Тўрт девор ичида қийналганингиз,
Тоза бир ишқ билан ёниб танингиз,
Сизни севмагандан сиз севганингиз,
Дилингиз ўртаган тўрт девормиди,
Ё ноаён ўзга сирлар бормиди?

Ёрилтош деганда ёрилмаган тош,
Маккора аёллар бўлганда кундош,
Кўнгил эрк деб ўтди, кўзлар эса — ёш.
Ё сизга берилган ҳурлик шулмиди,
Фаришталар билан бирлик шулмиди?

Дардли қўшиқ бўлган исёнларингиз,
Руҳлар парвоз қилган оқ тонгларингиз,
Учар тулпор бўлган армонларингиз.
Шундан ботирмиди ўғлонларингиз,
Шундан қўрқоқмиди душманларингиз?

Сизнинг номингиздан сўз сўзлаганлар,
Фақат қоронғуда кун излаганлар,
Сизнинг кўнглингизни тушунмаганлар,
Айтинг, дилингизни доғламайдими,
Янги тугёнларга чоғламайдими?

Кимга айтасиз дил сирларингизни,
Сирлари не эди зил дилингизнинг?

ЧЎЛПОН

Шеърнингизни қарғаб отилган тошлар —

Шаъни паст, бағри пуч, дарди йўқ сўзлар
Қон ҳидига келган қузғунлар мисол
Номингиз талади ўнлаб дардсизлар.

Кишанлар овози таъкиб қилган Шарқ,
Кўзга чалинади ғалат туманлар.
Юртимнинг энг сўнгти кунлари билан
Яшаган эдикми, деган гумонлар.

Сиз айтган қўшиқда дилингиз доди,
Сарғайган дафтарда занжирбанд нола.
Ажалга юзма-юз аёл фарёди,
Кўнгил — ихлосида алданган бола.

Сиз айтган қўшиқда тутқунлик — соя,
Дилнинг қони билан ёзилган ғамлар.
Сизнинг дардингизни тушунар фақат
Дунёга эрк излаб келган одамлар.

* * *

Ариқларда сувлар оқди шошиб, югуриб,
Тутқунликдан кутулгандай, озодлик сари,
Далаларда сархуш-сархуш чайқалиб қолди
Эркинликнинг майин ичган дала гуллари.

Кўкда булат, туман сузган ҳаволар намхуш,
Ерда барча уйғонади қиши уйқусидан.
Узоқлардан эшитилар турналар саси,
Яқинлашиб келаётган баҳт туйғусидай.

САМАРҚАНД

Кўк юзидан булат кетиб кўклам кунида,
Кўзга қувонч берганида нур зарралари,
Жим муножот қилаётган художўй мисол
Ёришади Самарқанднинг миноралари.

Шарқнинг ҳамон шаъни баланд салтанатида
Кулоқ берсанг эшитилар пинҳоний овоз:
Ё деворлар орасида ё ер қатида
Секин-секин нола қиласи энг қадими соз.

* * *

Маъюслигим, кимимсан менинг,
Отаммисан ё онаммисан?

Маъюслигим, кимимсан менинг,
Ёриммисан, дугонаммисан?

Маъюслигим, кимимсан менинг,
Элиммисан, тупроғиммисан?

Маъюслигим, кимимсан менинг,
Узун ёнган чироғиммисан?
Маъюслигим, кимимсан менинг,
Ўзиммисан ё йўлиғиммисан?..

СУНБУЛА

Йиглаётган аёл,
Боғлар қўйнидан
Шамол олиб қочган хазон товуши,

Узокдаги соҳил.
Денгиз сувларининг
Сассиз чўкиши,

Осмон.
Бўм-бўш бағир.
Озода кунлар.
Сунбула сувида чайилган кунлар.

Кетаётган дунё
Ярим ой.
Ёлғиз
Сунбулада узайган оғриқ.

ЎТАЁТГАН УМР

Рухимда ҳамиша паришонлик бор,
Қайталаб сўрайман бир саволимни.
Ўзим ҳам тушунмоқ истайман бекор
Туманда сузгандай сархуш ҳолимни.

Ҳар лаҳза нрмаълум жумбоқдай келар,
Гоҳ ортга, гоҳ олдга жим интилгандай.
Кўз тушмас жойларда гүё идрокнинг
Ёниқ гавҳарлари унутилгандай.

ЁЛҒИЗЛИК

Ўзимга қолдиринг ўзимни.
Хира тортган кўзгуга боқиб
Кузатаман тун соясини.

Қулоғимда турфа товушлар,
Вакт оёғи кўнглимга ботган
Ва жимлиқда титрар лабларим.

Кўзим тушар дафъатан шунда
Хонадаги бирор буюмга,
Мен эслайман унинг номини.

УЧРАШУВ

Ҳамма нарса ўзгаргандай: кийиминг, сўзинг,
Овозингда нотаниш мунг, босиқ дил розинг,
Гўё ички дардларини очгандай энди
Ҳаётингнинг фожиаси — мағур овозинг.

Кўзларингда табассумнинг қотган сурати
Сўздан олдин айтар қалбинг изтиробидан,
Кўзларингда бир сирли ўт ёниб туради
Ҳозиргина узилгандай ишқ китобидан.

ТАШНАЛИК

Сўзлашади дараҳтлар тунда.
Япроқлардан сирғалиб тушган
Ой нурини ичар майсалар.

Жимиrlайди юлдузли осмон,
Сомон йўли порлайди хира,
Гўё кутар сирли карвонни...

ЭСЛАШ

Ўша оқшом осмон кенг эди,
Юлдузларнинг оралиғида
Ортиб қолган жой эди жимлик.

Ўша оқшом боғлар феълида

Ҳоким эди бир паришонлик,
Дараҳтларнинг ёйилган шохи.

Йўлда ётган бир қора тошнинг
Узун эди ерда сояси.
Сен қўзингни олмадинг ундан.

* * *

Ишқнинг йўлларида азобим мингдир,
Кўнгил goҳ тупроққа, goҳ нурга тенгдир?

Бу дунёда жоним сиғар бошпанам —
Мен чеккан ғамларим — ёлғиз кошонам.

Йиглайман, кўнглимда қадимий йифи —
Илоҳнинг мен билан қолган қўшиғи.

САВОЛ

Сенинг йиглаганинг—дард чекканингми?
Ўзингдан бир қадам чекинганингми?
Таскин сўраганингми?
Қийналганингми?
Билмам, топганингми, йўқотганингми?..

МУСАВВИР

Рангларнинг тилсими ечилган қунда
Оловга айланар қора соchlаринг.
Сенинг нур қадаминг етган йўлларда
Фарёди тун бўлар тилсиз тошларнинг.

Шамолнинг қаноти нур ташир шаффоф,
Уфқда қотади дардимиз қони.
Умримнинг заъфарон кенгликларидан
Мен йиглаб чорлайман сени, дунёни.

* * *

Сенинг кўзларингда теран ва мунглиғ
Менинг яшамаган умрим бор ҳали.
Сенинг лабларингда тоза ва қутлуг—
Ҳали айтилмаган севги сўzlари.

Умринг йўллари ҳам ҳали қийнокли —
Менинг етказажак жафоларим бор.
Сенинг хаёлларинг на-да ардоқли —
Менинг сиғинажак дунёларим бор.

ИСТИҚЛОЛ

Офтобнинг остида қурган уйим бор,
Ёруғ нурлар билан тўлган осмоним.
Яхши кунларимда йўлдош элим бор,
Суянч тоғларим бор, танти сарбоним.

Бу умр иўлида эгмайман бошим,
Қарзим йўқ, ҳадикда титрамэс жоним
Бир ҳовуч гул бўлар ўпсам гар тошин,
Озод ватаним бор — Ўзбекистоним.

Гўдаклар изини севар тупроғим,
Барча хонадондан келар нон ҳиди.
Иўлчилар бостириб ўтар чанқоғин
Ва олиб кетади тинчлик умидин.

Бегона эмасдир менга ҳам ғуур,
Истиқлол баҳш этган туйгуларга мос.
Истиқлол берган баҳт бир қуёш эрур,
Менинг кўнглим ундан заррадир, холос.

* * *

Сен дединг, юракка қилмайлик жабр,
Қайтайлик, кўзларинг тўлмоқда ёшга,
Қайтайлик, тақдирдан ўзиб кетибмиз,
Тингла, юракнинг-да сўзлари бошқа.

Сен дединг, қандайдир совуқ бир сеҳр
Бошимиз устида порламоқда жим.
Юлдузлар бизга мос сухбатдош эмас,
Уларни ўқисин бошқа мунахжим.

Қайтайлик, биз туннинг изидан келдик,
Шундай кезиб юрар соялар тунда.
Кимдир ўз қалбидан қувган шубҳанинг
Шарпалари янглиғ юрибмиз бунда.

Сездингми, теграмиз маъюс жимжитлик,

Биз бунда йўл топган илк йўлчилармиз.
Балки қайлардадир тугаган йўлнинг
Давомин беҳуда излаб юрибмиз.

Сен дединг, юракка қилмайлик жабр...

ҲИЖРОН ҲАҚИДА ҚЎШИҚ

Узилган ипларни улади кимдир,
Ойнинг нурларини ўрайди кимдир.

Ёнингда ўлтириб майин қўл билан
Ёйик соchlaringни силайди кимдир.

Қўшиқ куйлай бошлар «сиз»лаб юлдузни,
Овози нур янглиғ ёритар Сўзни.

Унинг қўшиғидан йўллар уйғонар,
Кейин кунлар, ойлар, йиллар уйғонар.

Куйлагани сайин қўшиқ узаяр,
Бу қўшиқ айрилиқ ҳақида бўлар.

* * *

Йигладим — йигилдим бир парча жойга,
Сўзладим — сиқилдим сиқиқ каломдай,
Тарийқнинг изнида чарх ила анжум,
Менинг дилим бунда ғофил меҳмондай.

Фитнакор кунларнинг боқиб ортидан
Умримнинг ранжларин йиғдим кўзимга.
Ердаги изидай мардуд руҳларнинг,
Дардларим роҳ излаб кезинди зимдан,

Кимдир жоним сўраб чўзди қўлларин,
Соҳир кўзларида қотган илтижо.
Гарчи йиғлайвердим ишқ тангрисига,
Гарчи йиғлайвердим бевужуд, бежон...

ТУШУНИШ

Қачонки мен ишқнинг азобин туйдим,
Ракиб оёғига бошимни қўйдим.

Қачонки тил билан айтдим ҳолимни,
Қанотини юлдим ҳур хаёлимнинг.

Қачонки бошимни ғамлардан тортдим,
Тақдиримдан ёруғ изни йўқотдим.

Қачонки тушуниб бир назар солдим,
Баридан шу лаҳза қўзимни олдим...

ТАРИХ

1. ҒОЛИБ

Қоронғу хонани ёритар хира
Қора чироқ. Дафтар ва қалам.
Замонининг барча асрорин
Тафтиш қилиб ўтирган одам.

Излагани ҳақиқатмикан?
Муаррихми ёки донишманд?
Ҳозир унинг фикри ёдини
Сирли кўчирмалар қилган банд.

Қўлларида қадимий қилич,
Эҳтиётсиз синдирамасмикан?
Ё халқига ҳақ қиличин
Мерос қилиб қолдирармикан?

2. АКС-САДО

Сарғайган китобнинг варакларида
Ботирлар дам берар учқур отига.
Маъбуллар йўл топар, сўзлар ном қўяр
Энг улуғ халқларнинг рақобатига.

Карвонлар ўтган йўл. Излар йўқолган,
Қонлар тўкилган ер. Тилсимли тупроқ.
Фақат жим судралган жим садо қолган —
Кишанлар овози — яқин ва йироқ.

3. ОРҚАМА-ОРҚА

Боши эгик ёлғиз йўлчини кўрдим,
Қочиб борар эди ўз нигоҳидан.

Кетаётган беш-үн одамни кўрдим,
Улар диндан қайтган — жим оллоҳидав,

Бутун элни кўрдим — эркни унуган,
Олов учқунлари сачрап оҳидан.

* * *

Хазон фасли яқин, тупроқли йўлда
Қуёшнинг излари тутайди секин.
Булутлар ўлчабми кўрап ўзида
Уфқнинг оловранг ёнган кўйлагин.

Ергача эгилган мажнунтолларнинг
Япроғин санайди дайди шамоллар.
Жажжи гўдагининг кийимларини
Сўнгти ёғдуларга ёяр аёллар.

Кейин оқшом чўкар оҳиста, маъсум,
Осмондан узилган ажиб япроқдай,
Боғларнинг уйқуси абадийликка
Юзма-юз турган бир оний титроқдай,

Хазон фасли яқин — ранглар тубида
Сарғаяр йўқотган кунларнинг доғи.
Табиат бу кунлар сирли дарахтнинг
Узилиб заминга қўнган япроғи.

Хазон -fasli яқин.

КЕЧКИ ГУЛЛАР

Табиат ҳеч эркаламаган
Кузнинг сўнгти гулларин.
Балки шундан чидамли улар.

Бу гулларни кутмаган кимса,
Расмин чизиб тасаввурида,
Балки шундан чиройли улар.

Гуллар очилмаган кечикиб.
Асли нигоҳларни чарчатган
Ҳайрат — инжа ранглар ўйини.

Барчанинг хаёли баҳорнинг
Иzlарини ўпганида жим,
Кечки гуллар излар қишининг йўлини.

ГУВОХ

Бу одамнинг юзи тунд, ҳаракатсиз,
Гўё қотиб қолган ички соядан.
Бир кун тан олинган мағлубиятнинг
Нохуш сезгисидан қариган одам.

Қора кун тушганда халқнинг бошига
Хиёнатга пинҳон қўл берган эди.
Яқин дўстларига тухмат тошларин
Отсалар, панада жим турган эди.

* * *

Туйғулар гул каби кўкарған ердан,
Кўринмас ҳамроҳи моддий дунёниг.
Ҳар лаҳза гулларнинг пойига каби
Томиб адo бўлмас менинг бу жоним.

Гарчи ер фарзанди, ернинг эркаси
Юрак тупроғида туғилган жойи.
Гуллардек мантиқдан юқори улар,
Туйғулар гуллардек самовий.

* * *

Кўзларинг қувонса,
Учқунлар сочилар йўлларга гулдай.
Маъюс тортсанг агар,
Кўзларинг кўринар тиник бир кўлдай,

Кўзларинг илтижо қилсалар агар,
Унинг ноласидан жонлар адодай,
Дунё эшигида бош уриб турган
Икки фидодай.

* * *

Кўзларинг қаърида бир тун — туби йўқ,
Халоскор йўқ ундан қутулмоғимга.
Тақдирнинг ҳукмида бир йўл — сўнги йўқ,
Мен етмоқ истайман то адогига.

Бир қилич — юракка бориб етади,

Бир олов ёқади дилни, жим турсанг.
Билмадим не сабаб бу ортиқ жафо,
Ким учун жимгина қасос олурсан.

БОЛАЛИКДАН БИР МАНЗАРА

Томимизда осилиб қолган,
Жуда гўзал ой шу ҳолида.
Кўрпалари очилиб қолган
Болакайлар ухлар ҳовлида.

Ёзниг қиска кечаларини
Кундузларга қўшар бир одам:
Унутгандай яқинларини
Далаларда юради отам.

Бу кечанинг майин шивири
Безовта қилмас уйқумизни.
Ухломайди супада бувим,
Уйғотмайди ҳеч биримизни.

ОНАМГА

1

Юлдузлар йиглабди тун бўйи, она,
Шабнам япроқларда жавдира бу турар
Софинчини айтиб тонгга жимгина
Олис уфқларга бош урап йўллар.
Йўлларнинг бошида маъюс турибди
Узоқ болаликнинг маъсум севинчи.
Эҳ, йўллардан келиб қийнайди мени
Аламдийда йиллар, йиллар соғинчи.

2

Қайдадир олисда фифон чекар най,
Масофалар жуда узун туюлар.
Шамоллар дайдиди ўзлигин билмай,
Кўзларимда муnis бир сиймо турар.
Куршар хотиралар қуюни секин,
Қаерга бошлайди, ахир, қаерга?
Узоқлашиб кетар мендан бу қуюн,
Аста ииқилади таниш қабрга.

3

Сассиз урилади вакт шамоллари,
Кўзларимга сокин тунлар қуйилар,
Чорлайди ҳорғин бир умид сингарн
Олис уфқларга туташган йўллар.
Ва чорлар уфқда мени бир соғинч,
Энтикиб бораман интиқ чорловдан.
Соғинчим сиз, она, соғинчим билан
Олис уфқларда учрашамиз ҳам...

* * *

Деразамда тонгнинг оппоқ нигоҳи,
Тебранади хаёл каби ўрикзор.
Менинг кўзларимта жимгина боқиб
Шундай ёнгинамда турибди баҳор.

Шамоллар йўлида ёмғирнинг хиди,
Зангур ўтлоқларга тўкилар ёмғир,
Менинг кўзларим ҳам ёмғирга тўлди,
Ўрикзор-чи ҳамон тебранмоқдадир.

Баҳор хаёлларнинг багрида сокин,
Баҳор хаёлларнинг бағрида гўзал.
Яна ҳам оқ бўлар тонгнинг нигоҳи
Баҳор хаёлларга айланган маҳал.

* * *

Кўшиқ айтиб ўтар бир гала қушлар,
Ҳавода қолади ажиб эҳтирос.
Болалар чопишар ерда олқишлиб,
Кичик қалбларида бир дунё ихлос.

Учар хаёллари қушлар ортидан,
Янги бир дунё кашф этиб қайтарлар,
Янги бир само кашф этиб қайтарлар,
Учар хаёллари қушлар ортидан.

Бизнинг қушлар узоқ-узоқ учарлар,
Аста тўлдиришар осмонимизни.
Ўша қушлар юксак эътиқод бўлиб
Олис-олисларга чорлайди бизни.

Бизнинг қушлар узоқ-узоқ учарлар,..

* * *

Жовдираб туради кўқда юлдузлар,
Шуълалар бағрида титрайди олам.
Самоларда мовий, мовийдир излар,
Сизни ўйласам,

Ойдинлик остида кезар шамоллар,
Хаёл деб атайман мен уларни ҳам,
Учар шамолларга айлангим келар,
Сизни ўйласам.

Гўё ёмғир бўлиб эрийди само,
Қор бўлиб оқара бошлайди олам.
Тўрт гўзал фаслга айланар дунё—
Сизни ўйласам...

* * *

Соҳилларда кузнинг сурати,
Хазонларни совурап шамол.
Кимдир менинг исмимни айтар,
Гўё кимдир чорлар беозор.

Менинг умрим сувдай югурик,
Йўқотмоқда имконларини.
Фақат мангу шамоллар тирик,
Сўзлар мангу армонларини.

Куз бағрида сўнг бўлар баҳор,
Телбаланарап шамоллар бу кез.
Кимдир гўё чорлар беозор,
Мени чорлар ўтаётган куз.

* * *

Деразанг ёнида шамол ва ёмғир
Менинг мунгларимни сўзлайди шошиб
Жимжит хаёлингда бир сурат қалкир,
Узун ўйларингга кирап адашиб.

Дарахтлар шовуллар, барглар тўкилар-,,
Сенинг хаёлингда йироқ-йироқлар,
Хотирангда ҳамон бир сурат турагар
Менинг юрагимни куйлар япроқлар.

Таъсир этолмаслар сенинг руҳингга,
Самода буутлар сурилар оғир.
Келолмай турибсан ҳамон ўзингга,
Деразанг ёнида шамол ва ёмғир...

* * *

Онамга

Сайҳонликда яssi тош,
жимгина ўлтирибман.
Мен сизни ўйлаяпман.

Олисларда тоғлар кўп,
ёнгинамда тоғлар бор,
Мен сизни ўйлаяпман.

Қора сочи елвагай,
учиб юрар бир қизча.
Мен сизни ўйлаяпман.

Нечун, нечун дунёда
бундай қийин доғлар бор?
Нечун, нечун дунёда
бундай баланд тоғлар бор?.

Сизни мен ўйлаяпман.

* * *

Ташқарига боқаяпмиз жим.
Дўстим, не бор сенинг дилингда?
Мен шу дам деб йиллардан ошдим
Яхши гаплар келар тилимга.

Узун йиллар ўзимни минг бор
Маҳрум этдим баҳтиёрликдан.
Дўстим, сенинг дилингда не бор,
Баҳтлимисан сен ҳам жимлиқдан?

Интизорлик мадхиясини
Айтган билан адо бўлмайди.
Шубҳаларим йўқолмоқдалар,
Тилгинамда гаплар ўйнайди,

Ташқарига боқаяпмиз жим.
Атроф сирли хаёл сургандан.
Мен сен билан кучлиман, дўстим,
Лек бу жимлик кучли мендан-да,

ЭРТА КЎКЛАМ ШЕЪРИ

Куламан, йўлимда гуллар кулади,
Йифлайман, кўз ёшим гўёки шабнам.
Боғлар юрагимга яқин келади,
Шу кўклам сингари ўзим ҳам шодман.

Оҳиста тўкилар ўрик гуллари,
Гўё бир йигитнинг кўнгил изҳори.
Кўлларимга олиб баҳтли бўламан
Еридан хат олган қизлар мисоли.

* * *

Шафқат қила олмас ҳеч ким гуллардек
Ўзининг шафқатсиз душманларига.
Душманин қўлида бамайлихотир
Гуллардек очилиб кетолмас ҳеч ким.

* * *

Унутилган хотирани тун тўлқинлари
Юзасига олиб чиқар экан бирма-бир,
Кўрган сирли тушларимга таъбир ахтариб
Менинг тақдир китобимни варақлар кимдир.

Истамайман. Илми нужум бир ёнда қолиб
Саодатни истайман мен, лекин барибир,
Гўё ойдин кенгликларда хотиржам ёйиб,
Менинг тақдир китобимни ўқийди кимдир.

Санаймайман ҳисобимда қолган кунларни —
Бир нимани илғамоққа шошилган каби.
Санајпман юлдузларни. Санаганларим
Туннинг баланд юзасига қалқиб чиқади.,.

ОВОЗ

Жимликда эшитилган овоз бу,

ниҳояти ожиз бир шивир,
нафасига ўхшар шамолнинг.

Яланг оёқларнинг шарпасига ҳам
кулоқ бериб турсанг, ўхшайди бир оз,

Жимлик эса гўё оч қолган одам,
Нон ушоғи каби тўкилар овоз.

ТУНДА КЕЛГАН ШЕЪРЛАР

1

Ташқарида кезар изгирин шамол,
Совуқ уриб кетди юлдузларни ҳам.
Кеч кузда очилган чаноқлар мисол
Юлдузлар жунжикиб порлайди бу дам.

Нола қиласидилар балиқлар кўкка,
Улар жон бермоқда ойга кўз тикиб.
Сени адаштириб қўйдимми, Ҳасрат,
Хеч кимса билмаган баҳтдан энтикиб?

2

Ёмғир ёғар, шамол тиним билмайди.
О, менинг шамолли, ёмғирли умрим.
Юлдузлар ҳамдардим узун тунларда,
Юлдузлар — энди йўқ кўзларнинг нури.

Ахир мен биламан, ўзлиги йўқлар
Ўзларини билиб гадойларга teng,
Ҳар эшик олдида тиланадилар:
Менга бир кечага бошпана беринг!

3

Ёмғир, ёмғир, кимнинг арзандасисан?
Эзиз юбординг-ку, юракларимни.
Кимни йўқотдинг, айт, айтақол, ёмғир,
Синдирма дераза — тилакларимни.

Наҳотки бир ўзинг тўлдирмоқчисан
Шу кўхна дунёning кемтикларини?
Ёғавер, бир куни очасан, ёмғир,
Оғриқнинг самовий эшикларини...

* * *

Атрофга боқ, кетаётган куз
Нима сўрар эртанги кундан.
Овозлар-да унга тушган из,
Нималарни тайёrlар зимдан.

Юрак тинглар, титраганча жим,
Япроқларнинг серсўзлигини.
Рухга тинмай таъкидлайди ким
Сукунатнинг чексизлигини?

Шамол учар, тортқилар яна
Мангаликдан бу соатларни.
Ингранади садоларана —
Сукунатнинг жароҳатлари,

Сен қарагин, ишон астойдил,
Далаларнинг ўзгарсин ранги.
Бунда юрак — энг сўнгги манзил,
Тугён қадим, туйғулар янги.

* * *

Оқиб кетар булатлар бу кеч.
Кутилмаган ҳислар кўчкини.
Четлаб ўтмас ҳеч кимни севинч,
Қайғу эса эзмас ҳеч кимни.

Мехр сўрган нозик кўкатдек
Юрагимни орзиқтирар Бахт.
Шамоллардан омон дараҳтдек,
Ишонч билаи ўсар Мұхаббат.

Мен кираман, менинг хонамда
Ҳамма нарса сурат каби тинч.
Фақат жимжит ўша оламда
Мени жуда кутади Соғинч.

Бундай кунда ҳар бир дақиқа
Сахийроқдир узун кундан ҳам.
Сен келмайсан. Бироқ мен хафа
Бўлолмайман ҳатто сендан ҳам.

* * *

Мен сени севаман, Ватаним,
Поёнсиз қирларинг мен учун жондай,
Майли, чексиз эмас умрим, имконим,
Мен сени севаман оддий инсондай.

Йўлларингда тарих, Тўккан кўз ёшим.
Бардошим. Тошларда менинг номим бор.
Ҳар кун нур сочади сахий қуёшим,
Тилимда ўзбекча бир саломим бор.

Мен оддий аёлман ҳеч ким билмаган,
Сенга муҳаббатим, бироқ, осмондай.
Мен сени севаман ярадор жангчи
Кўкрагидан томган сўнг томчи қондай,-

* * *

Сиз бугун тушимга кирибсиз, Она,
Гўёки ёнимда эмишсиз ҳамон.
Қулоғимда қолган овозингизни
Сақлаб ётдим, уйғониб тонгда.

Чехрангизда аён ҳар бир чизгидан
Бир туйғу изладим, балки меҳрми?
Ва лекин тушимда ҳам англаб қўйдим,
Сизни энди асрай олмаслигимни.

Дафъатан эсладим тонгда уйғониб,
Шундай Куз кунлари кетганингизни...

* * *

Тун чўкар, бўйсуниб ул ақидага,
Чор атроф қораяр, овозсиз зикри.
Менинг ожиз фикрим тун ҳақидаги
Кундузга кўнинкан одамнинг фикри.

Ой нуридан эшар ўргамчаклар ҳам
Дорларин, илинар шамол фарёди.
Бу туннинг бағрида менинг хотирам
Йўқотар нарсаси йўқ одам ёди.

Нимани кутишим
Билмайман ҳеч-а,
Бироқ ишонаман ёлғиз фикрга.

Мен учун омонат қайиқ, бу кеча,
Мангулик кўлида чайқалиб турган.

* * *

Табиат бир моҳир раққоса мисол
Билдиримай алмашар ҳолатларини.
Сездирмай сирғалиб кетади Баҳор
Рангин ўзгартади Ёз дараҳтларнинг.

Табассум остига беркитган каби
Раққоса энг нозик дил сирларини,
Ёрқин манзаралар яширад биздан
Ўтаётган куннинг шивирларини.

* * *

Шундай хаёл тинчитмас мени,
Тортаверар бир жозиб билан.
Гавжум шаҳар кўчаларида
Учрашамиз тасодиф билан.

Ўзгармаган бўлади сира
Шаҳарнинг энг таниш жойлари.
Ўтмагандай гўё аслида
Сендан айру йилу ойларим.

Яқин деразадан келади
Шунда жуда ғалати йиғи.
Сени бир оз ҳайрон қилади
Хотиранинг, Вақтнинг тортиғи.

КУЗ

Қайдан келмоқдадир бу ҳорғин қўшиқ,
Еллар синдирмоқда кимнинг кўнглини,
Ва улар кимларга қилмоқда тортиқ
Олис уфқларнинг мангулигини?

Хазонлар сингари беун тўкилган
Кимнинг юрагида босилган сирлар?
Узун йўлкаларда мағрур шивирлаб
Сўнгсўз айтаётган қайси шоирлар?

...Сийраклашиб қолган чинорлар шохин

Эркалар эртанги қишининг нафаси.
Ва жимжит боғларга тўкилар секин
Баланд юлдузларнинг ёруғ далдаси,

* * *

Ишонгандан қаттиқ ишонар кўнгил.
Бузилмас сукутнинг тифиз қатори.
Мени севсанг агар мен учун кўндири,
Минг биринчи мўъжизага баҳорни.

Бу ердан кетаман бир нима излаб.
Қабртошлардаги Кун ёзувлари.
Одамларнинг минг хил қарашларини
Ювади фурсатнинг оқар сувлари...

Мен эса мўъжиза кутаман сендан.
Қолган нарсаларнинг, майли, ҳаммасин
Хотиржам кузатай сўнгги йўлга мен.

Дунё — хоҳишлиарнинг бир қиёфаси,
Истакларнинг тирик нафаси — дунё,
Бари бир, мўъжиза кутаман сендан.

* * *

Менинг билганларим аччиқ ва чучук.
Менинг қўрганларим оқ билан қора,
Дунё — посангиси эгри торози,
Ким ундан норози, ким эса рози.

Ҳар нарса коинот хотирасида
Узоқ сақланади, нима ҳам дейман,
Мени қўрганлар бор юз йиллар аввал
Паранжи ёпинган аёллар билан.

Нега ишонмайсиз? Сизни алдадим.
Лекин гап аслида севгимиз ҳақда.
Мени севолмайсиз, бироқ бу бахтни
Мунажжимлар кўрар юз йилдан кейин.

Менинг-чи, кўрганим ёлғон билан чин,
Менинг татиганим аччиқ ва чучук.
Умримга ўлчовмас эгри торози,
Ким ундан норози, мен эса рози.

* * *

Бу бир кунлик соғинч,
фақат бир кунлик,
Фақат бир кун яшар
менда бу бўшлиқ.
Эрта унут бўлар ҳаммаси,
эрта,
Бир кунлик дардdir бу,
бир кунлик оғриқ.
Бир кунлик тобут бу,
Бир кунлик завол.

* * *

Турналар чўкмоқда кўк денгизга,
Хоргин кўзларида уфқлар ёнди.
Рухим эркалаган чақноқ юлдузлар
Ўша турналарга айланиб борди.

Нигоҳларни осди арқонларига,
Олислаб кетдилар биздан турналар.
Энди қайтмайдилар, илтижо нега?
Юрагимда маъюс умидлар ёнар.

Самолар ҳидини соғинган улар,
Чўкмоқда, чўкмоқда шул ҳидга мафтун.
Турналар, турналар...
Қайтсалар ҳамки,
Улар қалбимизга сиғмаслар бу кун.

* * *

Осмон шундай яқин,
Юлдузлар жимгина қадалар кўзимга.
Сувга тўшалади самовий ранглар,
Ранглар тўшалади босган изимга.
Юлдузлар жимгкна қадалар кўзимга.

Сокин ҳароратга тўлиб борар Май,
Саратонни соғинар боғлар.
Ойдинларда бир қуш сайрайди тинмай,
Жаранглаб кетади узоқ-узоклар...

Саратонни соғинар боғлар...

* * *

Тилсиз само қадар сокиндир дунё,
Фақат юрагимда эзгу довуллар.
Йўлимда жимгина оқмокда дарё,
Фақат юрагимда тўлқин шовуллар.

Жимжит қирғоқларни кездим оҳиста,
Сассиз қаршилади бош эгиб чаман.
Жимликларга кирдим нимадир истаб,
Жимликларга кирдим товушим билан...

* * *

Табиатда майин бир шивир,
Юз очмоқда нозик куртаклар.
Кезиб юрар қўшиқлар бунда,
Бу қўшиқлар мени сўроқлар.

Минг новдада минг ифор, минг ранг,
Келинчакдай сулувдир олам.
Хаяジョンни севган юракни
Хаяジョンлар сўроқлар бу дам.

Кўнгилларда ажиб бир суурур,
Диллар тинглар гўзал навони.
Биз куйлаган мусафро қўшиқ
Сўроқлайди бу кун дунёни,

БОБОЛАР ХОТИРАСИ

Улар экиб кетди муҳаббатини,
Улар экиб кетди садоқатини
«Ўзбекистонман!» деб хайқирган
Далаларнинг чексизлигига.

Муҳаббатдек улуғ, садоқатдек буюқ,
Бахмал далаларнинг руҳидек чексиз,
Ўзлигин топмоқда бизнинг дунёмиз
«Ўзбекистонман!» деб хайқирган
Далаларнинг чексизлигига.

* * *

Сезмадинг, жонимни ёқиб бўлди ишқ,
Теграмда рақс этди аҳзарваш кунлар,
Жисмим фарёд қилди тилаб ҳаётни,
Рухимни йўқлиқдан чорлади жинлар.

Телба бир аёлнинг кўзлари билан
Боқдим бу дунёнинг омонатига.
Юракнинг қон теккан сўзлари билан
Тўловлар тўладим ишқ сарватига.

Йўлимда қалбларнинг ноласи тинди.
Самога интилган руҳлар — дарбадар.
Сен келгин, тирилган пайғамбар янглиғ
Менинг ҳаётимда бор бўлсанг агар.

Ғамлар юрагимга бошпана берсин,
Кибор орзулардан кечсин кунларим.
Бир муштипар янглиғ кўнглим сифинсин,
Пойингда хор бўлсин ўзга ўйларим,

Шундай юрагимга қўшиқ айтаман,
Бир қадар енгилроқ кечар лаҳзалар,
Сенинг хаёлингни чорлаб қайтаман,
Сезмайсан, кўнглингда изларим қолар,

* * *

Бўм-бўш далаларни кезар куз бесар,
Кун-бакун тўлдирап камчилигини.
Ганжларга эришмоқ истаган кимса
Ана, санар ёмғир томчиларини.

Шакллар чизади булутлар кўкда,
Кунлар излаб ўтар баҳтнинг кулбасин
Ёмғир томчисини санайди кимса,
Берилиб, ишониб. Ўша — мен ё сен.

Хаёл дунёларин кезар бу фасл,
Йўл излар, йўл топар, чекар риёзат.
Ироданг етмаса баҳтли бўлмоққа,
Баҳтсиз бўлмоққа ҳам берар ижозат.

* * *

Аввал ўзимизни севмасак эди,

Севгидан қаримас эди дилимиз.

Аввал ўзимизга боқмасак эди,
Қаровсиз қолмасди юрту элимиз.

Аввал ўт ёқмасак ўчоғимизда,
Умримиз ёнарди хур бир оловдан.

Аввал уйимизни қурмасак эди,
Бизга уй бўларди мана шу Ватан.

БАХОР

Гуллаган дарахтни талар арилар
Интиқлик майини ичгаи дунё — маст,
Кувонч ҳам ўхшайди умидсизликка,
Кувонч ҳам дил учун чекланиш, қафас,

Ўт билан ўйнаган гўдаклар каби
Қизгалдоқлар билан ўйнайди шамол.
Мухаббат ҳақида қўшиқлар айтиб
Тушингизга кирап рақибам илк бор.

* * *

Ранжимадим дўстимдан ҳам, душманимдан ҳам,
Бир дардли куй сехри билан алдандим гўё.
Истакларим нари қилди гуно-ҳисизлардан.
Художўйлар гуноҳини кечирап худо.
Мухаббатнинг' номи билан қўшиқлар битдим,
Балки улар тўлдиргай деб баҳтнинг камини.
Дўст-душманнинг гуноҳидан мен бирдай ўтдим
Ва тушундим шундай яшаш баҳт эканини.

МЕН АНГЛАГАН ҲАҚИҚАТ

Тушун, қувончдан ҳам ёруғроқ чехра,
Севгидан ҳам руҳий устуворлик бор.
Тушун, айрилиқдан узун қил қўприк,
Умидсизликдан ҳам чуқур жарлик бор,
Уларни танидим ўттиз ёшимда.

* * *

Булутларда сарсон нигоҳим,
Юзларидан оқди ёмғирлар.
Кўзимдаги суратингизни
Томиб-томиб қалқди ёмғирлар.

Дараҳтларнинг шоҳлари оғир,
Менинг эса оғир хаёлим.
Узоқ кунлар бир сўрмадингиз,
Энди кимлар сўрсинлар ҳолим?

Ё сизни деб кетарман бундан,
Ё қуритар еллар ёшимни.
Умрим ўтар ҳали кўтариб
Улгурмасдан эгик бошимни.

* * *

Биламан, сен баҳтни кўрган одамсан,
Сени қайта баҳтли қилмоғим қийин.
Минг йил яшасанг-да, мени севмайсан,
Билмайман, не булар минг йилдан кейин,

Менинг қисматим шу — кутиб яшамоқ,
Умрим сўнгигача, баҳтли ечимни.
Мен ўтиб кетаман, билмайман бироқ
Минг йиллардан кейин севаман кимни...

ИЗХОР

У ёққа, бу ёққа юриб турибман,
Ҳолбуки,
ҳамроҳим — тўрт-беш оғиз сўз.
Қаёнга кетарим билиб турибман.
Ҳолбуки,
масофа — ёлғизлик.
Ўз ҳолимга боқиб йиглаб турибман.
Ҳолбуки,
оқибат — ҳолсизлик.
Дунёнинг суратин кўриб турибман.
Ҳолбуки,
изоҳга ожизман.

СЕН АГАР...

Сен агар шоҳ бўлсанг, бўйин эгар халқ,

Истаб кўттармайди ердан бошини.

Сен агар қаландар жуббасин кийсанг,
Одамлар беради сўнгги ошини.

Ким бўлма, ўзингни ўйласанг факат,
Ҳеч кимса эргашмас соянгдан ўзга,

* * *

Икки кўздай икки манзил ораси,
Кўнглида ҳисларнинг нотинч сояси,
Аслини сўрадим, топмадим ўзин,
Фойидан ғойибга кетаётган ким?

Гарчи маълум эмас қисмат ўйини,
Кўзларда шубҳалар нотинч қуюни.
Сўрадим, тополмас бирор мунажжим,
Фойидан ғойибга келаётган ким?

Бирдан хабар борми, бирдан ишора,
Бирдан самар борми, биридан чора?
Дўстми у, ёрми ё ғаним, билмадим,
Фойидан ғойибга ўтаётган ким?

* * *

Балки ушоққина жисминг бор,
Мухаббатдан топган исминг бор.
Оллоҳ берган ўғлинг, қизинг бор,
Аёл, сенинг нурли изинг бор.

Қўлларингда бойлик, гавхаринг —
Улуғбегинг, муnis Ҳулкаринг,
Юртга деган қўш юлдузинг бор,
Аёл, сенинг нурли изинг бор.

Бир қун келиб сен-ла юзма-юз,
Рухинг ташлаб кетмади ҳануз.
Ишқли дунё учун сўзинг бор,
Аёл, сенинг нурли изинг бор.

Балки барчасидан аввалроқ,
Барчасидан юксак, баландроқ,
Ҳур Ватанинг, озод ўзинг бор,
Аёл, сенинг нурли изинг бор.

* * *

Тан оламан: ўрганолмадим
Ҳамон булбул куйлаган байтни.
Шеърлар ёздим, кулса омадим,
Балки топдим шунчаки пайтни.

Тутиб олмоқ насиб этмади
Бир бор ҳафтранг камалакларни.
Тан оламан: атай тутмадим
Гулга қўнган капалакларни.

Шафақ кўчган қирларга чиқиб,
Шафақ эмас, лолалар тердим.
Шоирларнинг шеърини ўқиб,
Шеър дардини юқтириб юрдим.

Бир аёлдай юрагим нолон,
Мұхаббатдан юрагим доғли.
Тан оламан, бироқ бу армон
Ҳаёт каби азиз, ардоқли.